

Incuntada dles porsones vèdues y sores: en jöbia, ai 24.04.2014 a S.Martin. An paia ia da Pedraces dales 08:20 y l'iade cun marèna costa 30 €. Prenotesse al nr. 0474/590069 óina ai 20.04.2014.

"Pfarrblatt-Schulung": chi che á interés a chësc curs che vëgn tignì a Bornech ai 03.05.2014 dess se prenotè al nr.0471/306209. Cost 41 €.

Informaziun dal Comun de Badia: ai 29 de aurì dales 9.30 ales 11.30 dan Ciasa dla Cultura/ La Ila sarál le Camper dla zentrala dl consumadú. An pó musuré les radiaziuns di celulars, se informè sura le eletrosmog, cunfronté la cualité de deplö produc y ater. Sturjede pró por informaziuns.

Cursc de lingaz: l'Sorvisc Formaziun Val Badia mèt a jì, ségn da aurì y mà, chisc cursc tl Istitut Micurà de Rù:

ladin (prinzipianó), **spagnol** (prinzipianó) y **inglesec** (beginners, intermediate, conversation). Info y iscriziuns al nr. 0474/523110.

Cursc de inglesec: l'KVW de Badia mèt ciámó a jì chisc cursc de inglesec:

"Beginners/continuing" dal 5 de mà 2014 inant por 10 sères

"Pre-Intermediate" dal 6 de mà 2014 inant por 10 sères tres te biblioteca. Por informaziuns cherdede Cristina al nr.0471/839657 o 333/1591599.

Jun a pé cun l'KVW: en mercui, ai 23.04.2014 junse a Natz/Schabs söl Äpfelweg a ti ciarè ai lëgns da pom che florësc. Piun ia dan Comun a Pedraces dales 08:30. Tolesse do la marèna y, por podèi organisé l'bus, präibel prenotesse pro laco al nr. 0471/839772 óina en lünesc sèra.


"Denuncia dei redditi": cun osta firma sön la "denuncia dei redditi" o söl mod.CUD podèise destiné l'0,8% ala Dlijia Catolica y cun chësc ester de gran aiüt ala Dlijia. Dër bel giulan.

VANGELE dla 2° domènia de PASCA

Jan 20, 21-28

Gejù ti à ciámò n iade dit: Pêsc a os! Sciöch le Pere m'à menè mè, insciö ves mëni iö os. Do ch'al à albü dit chësc, ti à fladè ados y ti à dit: Recioiéde le Spirit Sant! A chi che os ti lascëis do i piçià, ti ési lascià do; y a chi che os ne ti ai lascëis nia do, ne ti ési nia lascià do. Tomesc, nominé Didimus (jomelin), un di dodesc, n'è nia pro d'èi, canche Gejù é gnü. I atri discepei ti à spo dit: I ün odü le Signur. Al ti à respognü: Sc'i ne vëighi nia les ferides di agüs te sües mans y sc'i ne pò nia mëte mi dëit tl büsc di agüs y mia man te so costà, ne crëii nia.

Otedé do é sü discepei indò abinà adöm, y Tomesc é laprò. Dailò é gnü Gejù – les portes é stlüttes pro – é jü amesa ëi ite y à dit: Pêsc a os! Spo àl dit a Tomesc: Tëgn ca to dëit – chilò é mies mans! Tëgn ca túa man y mëtela te mi costà, y ne stè a ester descredënt, mo credënt! Tomesc ti à respognü: Mi Signur y mi Dì!



Usc dla Cüra BADIA

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 21

Edema: 20.04. - 27.04.2014

PASCA



Christus vincit

Christus regnat

Christus imperat

BUONA PASQUA - FROHE OSTERN

FUNZIUNS SACRES

20.04. FESTA de PASCA dl SIGNUR

09.00 Mëssa solena de Ressorziun dl Signur

Benedisciun dles spëises da Pasca

14.00 Öspi da Pasca

15.00 Festa da Bato

18.00 †to Sebastiano Bernardi - aniversar

†ta Clara Pescoller

†ti Paul y Emilia Pitscheider



21.04. LÛNESC de PASCA

09.30 Corona por les †tes Paola Valentin y Sabina Campeï

10.00 †ta Sabina Campeï - otavare

†ti Vijo, Angela y Paola Pizzinini

†ti dla fam. Alfarei d'Andrac

23.04. Mercui

07.30 †ta Maria Pescollderungg Dapunt - aniversar

†tes Maria y Celestina Costa - aniversar

†ti Franz y Angela Miribung

25.04. Vëndres – S.Merch Evangelist

07.00 Prozesciun te païsc – S.Mëssa

†ti Rudl y Teresa Valentini – aniversar

†ti Maria y Franz Irsara de Jan

por les animes dl purgatore

26.04. Sabeda

16.00 Mëssa a Oies

27.04. II. DUMËNIA de PASCA - Dumënia Blancía / Ann A

Dumënia dla Divina Misericordia

10.00 Mëssa por la Comunité

18.00 †ta Maria Trebo (hotel Maria) - aniversar

†to Ilario Valentin - aniversar

ad int. de Erica Canins en onur de S.Maria da Lourdes

por la vijinanza de Valgiarëi

Dala VITA dla CÛRA

Pasca – Festa de Ressorziun

*dal Vangele: No stede a chirì le Signur
pro i morc, al é ressori, al vir pur dagnora.*

Do la Carsëma oruns' inçe festejë Pasca

cun düc i sensi....da:

- jì a dljia a la gran Mëssa bela ciantada
- jì te cortina pro les fosses tan bel arjignades
- jì a ciasa a mangé le signé deboriada te familia
- jì a pé a fà na spazirada tla bela natöra
- jì inçe magari a cianté Öspi y spo al concert
- jì a ciafè zacai a ti fà les aodanzas -

siur Degan

Exerziten: Sëgn por Pasca à n bel grup de porsones de nosta valada stlüt jö l'tru di "Exerziten im Alltag" dal titul "Tö es l'tru, la verité y la vita". Tratan 5 edemes à chëstes porsones podü sinti la ligrëza dla fede. Èles à podü dè testimonianza de chësta fora tla vita da vigni dé. Adüm al grup áles esperimenté l'vire vigni dé plü coscentemënter, metan Chël Bel Dì al prüm post. Al é sté por dütes na sintida y sota preparaziun a Pasca. *Nos dla Cüra podun ma sostenì de te initiatives y invié inçe a tó pert te n'atra bela ocasiun. Giulan!*

En jöbia ai 24 de auri se abina indò l'grup de oraziun "**Umes præia deboriada**", dales 20.00 ales 21.00 te dljia. Düc é dër bel invia a tó pert.



Legio Mariae: en jöbia, ai 24.04.2014 se abina indò chësc grup por n'ora de oraziun te calonia dales 14:00. Düc é dër bel invia.



Tolun pert al dolur di familiars dla defunta Sabina Bernardi Campeï che ai 12.04.2014 é gnüda cherdada tl règn de Dì t'eté de 101 agn. Che ala paises tla pësc eterna.



En mertesc, ai 22.04.2014 complësc **Giovanna Canins Irsara** da Sotciaminades **81** agn. L'Seniorenclub y düta la Comunité ti aoda düt l'bun, sanité y benedisciun de Dì.